



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK

telefon: 035/668-650;

Alije Izetbegovića 60-2 75246 Čelić

Broj: 02-45-3526/23

Čelić: 05.01.2024. godine

Na osnovu člana 69. stav (2) tačka d), člana 88. Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22) (u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17), a na preporuku komisije za nabavku broj: 03-45-3526/23 od 05.01.2024.godine, u postupku javne nabavke konkurentski zahtjev za dostavu ponuda za javnu nabavku goriva za službena motorna vozila, Općinski načelnik donosi:

ODLUKU
o poništenju postupka javne nabavke

Član 1.

Prihvata se preporuka komisije za javnu nabavku broj: 03-45-3526/23 od 05.01.2024.godine i poništava se postupak javne nabavke goriva za službena motorna vozila, koji je pokrenut odlukom o pokretanju postupka javne nabavke broj: 02-45-3526/23 od dana 19.12.2023.godine, obavještenje o nabavci broj: 306-7-1-119-3-32/23 od dana 20.12.2023. godine.

Član 2.

Ova Odluka stupa na snagu danom donošenja i objavit će se na web stranici Općine, u skladu sa članom 70. stav (6) Zakona, istovremeno sa upućivanjem iste ponuđaču koji je učestvovao u predmetnom postupku javne nabavke.

Obrazloženje

Postupak javne nabavke goriva za službena motorna vozila pokrenut je odlukom o pokretanju postupka javne nabavke broj: 02-45-3526/23 od 19.12.2023.godine. Predmetna nabavka provedena je putem postupka konkurentskog zahtjeva za dostavu ponuda. Procijenjena vrijednost javne nabavke iznosila je 1.500,00 KM bez PDV-a. Obavještenje o nabavci broj: 306-7-1-119-3-32/23 objavljeno je na Portalu javnih nabavki dana 20.12.2023. godine.

Komisija za javnu nabavku imenovana Rješenjem broj: 02-45-3526/23 od 19.12.2023.godine nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku Zapisnik o pregledu i ocjeni ponuda broj: 03-45-3526/23 od 05.01.2024.godine, Preporuku o poništenju postupka javne nabavke broj: 03-45-3526/23 od 05.01.2024.godine i Izvještaj o radu komisije broj: 03-45-3526/23 od 05.01.2024.godine.

U postupku po Izvještaju o radu utvrđeno je da je komisija za javne nabavke blagovremeno izvršila otvaranje, pregled i ocjenu pristigle ponude, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku nabavke primljena jedna ponuda - „Jasko Trend“ d.o.o Čelić,

- da je blagovremeno primljena jedna ponuda,
- da nije bilo neblagovremeno primljenih ponuda,
- da je ponuda „Jasko Trend“ d.o.o Čelić ocijenjena kao nepravilna.

Pregledom i ocjenom ponuda utvrđeno je da je ponuda ponuđača „Jasko Trend“ d.o.o Čelić nepravilna. Članom 3. stav (1) Pravilnika o uslovima i načinu korištenja e-aukcije (Službeni glasnik BiH“ broj 66/16) propisano je da prije zakazivanja e-aukcije ugovorni organ u sistem e-Nabavke unosi sve prihvatljive ponude. Nadalje, član 2. stav (1) tačka 1) Zakona propisuje: „Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.“ Nepravilna ponuda je ona ponuda koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Članom 57. stav (1) Zakona propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

Tačkom 2.2. podtačkom f) u tenderskoj dokumentaciji broj 02-45-3526/23 od 20.12.2023.godine određeno je da pored ostalih dokaza koje dostavlja uz ponudu, ponuđač je dužan dostaviti i Izjavu ponuđača, ovjerenu kod nadležnog organa, pod punom materijalnom i krivičnom odgovornošću da raspolaže prodajnim objektom (benzinskom pumpom) na teritoriji općine Čelić, bilo da je u vlasništvu ili u posjedu ponuđača kao rezultat određenih poslovnih sporazuma, sa navođenjem tačne adrese iste. Ponuđač je u svojoj ponudi na stranici 16. dostavio Izjavu da raspolaže prodajnim objektom (benzinskom pumpom) na teritoriji općine Čelić, ali ista nije ovjerena od strane nadležnog organa, kako je tenderskom dokumentacijom traženo.

Imajući u vidu naprijed navedeno, Komisija je jednoglasno odlučila da je ponuda ponuđača „Jasko Trend“ d.o.o Čelić nepravilna i uvažavajući odredbe člana 2. stav (1) tačka 1) podtačka (3) Zakona predložila odbacivanje iste.

U postupku donošenja ove Odluke, posebno su cijenjene činjenice da je Komisija pravilno i potpuno izvršila pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je preporuka za poništenje postupka donesena u skladu sa Zakonom, podzakonskim aktima i Tenderskom dokumentacijom.

Iz navedenih razloga, primjenom člana 69. stav (2) tačka d) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), člana 39. Statuta Općine Čelić („Službeni glasnik Općine Čelić“ broj: 3/2017) odlučeno je kao u članu 1. ove Odluke.

Uputstvo o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa. Ponuđač je dužan dostaviti žalbu ugovornom organu najmanje u tri primjerka

OPĆINSKI NAČELNIK


Admir Hrustanović, dipl. oec

Dostavljeno:

1. Ponuđaču
2. Stručnoj službi Općinskog vijeća, Općinskog načelnika i zajedničkih poslova
3. Za općinsku web stranicu
4. Evidenciji
5. Arhivi